










Пролетарии сарэ светастыр, скарэмпце!

И. СТАЛИНО

136

761

ВАШ БУТЫ ДРЭ ГАВ

ПАРТИЗДАТО 1935



Цыг.
2-39

Пролетарии сарэ свэтостыр, скэдэппэ!

И. СТАЛИНО

ВАШ БУТЫ ДРЭ ГАВ

Ракирибэ пэ кхэтаниякирдо
пленумо ЦК и ЦКК(б).

11 января 1933 г.

Пирильдгия Н. Панково

Г.П.Б. в Лнгр.

Ц. 1933 г.

Акт № 253

ПАРТИЗДАТО

МОСКВА—1933 г.

Мир.

№

79

Редактор *И. П. Токмаков*. Техредактор *А. Г. Бабилов*. Сдано в производство 28/1-33 г. Подписано к печати 2/II-33 г. Партиздат № 85. Формат 82×110¹/₃₂ 1 п. л., 35200 зн. в п. л.
Уполномоч. Главлита № В-49719. Заказ 125. Тираж 1000 экз.

17-я типография треста „ПОЛИГРАФКНИГА“, Москва, Шлюзовая наб., 10.

Товаришши! Мэ думинава, со ораторэ чячюнэс сыкадэ сыр сы и сыр джяла партийно буты дрэ гав, лакирэ надоухтылыбэна и лакирэ миштыпэна, — дрэван жэ лакирэ надоухтылыбэна. И са-жэ, мангэ сыкадэла, со ёнэ на пхэндлэ ваш само баро надоухтылыбэ дрэ амари буты дрэ гав, на откэрдэ, состыр создэнапэ адалэ надоухтылыбэна. А машкир адава адава сы ваш амэнгэ дрэван баро интэресэ. Пирдал адава дэнтэ мангэ тэ выпхэнав сыр мэ думинава ваш надоухтылыбэна дрэ амари буты дрэ гав, откэрдэс тэ выпхэнэспэ, сыр адава сы прилыно машкир большэвикэндэ.

Дрэ со сы само баро надоухтылыбэ дрэ амари буты дрэ гав пало последнё бэрш, пало 1932 бэрш?

Баро надоухтылыбэ сы дрэ одова, со марэскирэ заготовки дрэ адава бэрш прогыне амэндэ барэ пхарипнаса, пхарыдыр сыр дрэ 1931 бэрш.

Тэ пхэнэс, со адава сы пирдал налачё урожаё ни сыр нашты, одолэстыр со урожаё амэндэ сыс дрэ адава бэрш на налачё и фэдыр сыр дрэ прогыно бэрш. Сарэ джигэнэ, со валово скэдыбэ маро дрэ 1932 бэрш сыс бутыр, сыр дрэ 1931 бэрш, коли шуко лынай дрэ пандж главна районэ прэ Северо-Востоко СССР. дрэван тыкнякирдя маруно балансо дрэ амари страна. Амэндэ и дрэ 1932 б. сыс койсавэ нашаибэна дрэ урожаё пирдал налачё климатэ дрэ одова бэрш прэ Кубань и Тереко, а адякэ-жэ дрэ койсавэ Украинакирэ районэ. Нэ адалэ нашаибэна на стховэна и паш одолэ нашаибэна, савэ сыс дрэ 1931 бэрш пирдал зашутькирибэ дрэ северо-восточна районэ СССР. Никон ваш адава на можынэла тэ думинэл ваврэс. Адякэ дрэ 1932 б. маро амэндэ сыс дрэ страна бутыр, сыр дрэ 1931 бэрш. И са-жэ, надыкхи прэ адава, марэскиро скэдыбэ прогына

амэндэ дрэ 1932 б. барэ пхарипнаса, пхарыдыр сыр дрэ прогыно бэрш.

Дрэ со адай рэндо? Кай бангипэ дрэ наухтылыбэн пиро амари буты? Сыр тэ полэс адава назгыибэн?

1) Адава сы ангил сарэстр одолэстыр, со амарэ товаришши прэ штэты, амарэ гавитка бутярья на сыс дрэ зор тэ угинэс нэви обстановка дрэ гав, сави сы создыны колхознонэ марунэ таргоса. И пирдал одова, со ёнэ на угиндлэ нэви обстановка и пирдал адава ёнэ на можындлэ тэ пириджан прэ нэво дром, дыкхи прэ нэви обстановка. Жыко адава сыр на сыс колхозно тарго марэса, жыко адава сыр на сыс дуй тиминя прэ маро, государственно и таргитко, — сыс обстановка дрэ гав екх. Колхознонэ марунэ таргоса обстановка банги сыс крэнтэс тэ парувэлпэ одолэстыр, со колхознонэ таргоса пригалёлапэ — легализакирлапэ таргитко тимин прэ маро, сави сы учидыр государственнонэ тиминятыр. Нанэ со и тэ досыкавэс, со адава банго сыс тэ создэл крестьянэндэ зрикирибэ дрэ здыбэн маро государствоскэ. Крестьянино причюрдыя дрэ годы адыкэ: «сы домэкло колхозно маруно тарго, пригалыны таргитко тимин, прэ тарго мэ можынава пал одова-жэ маро тэ лав бутыр одолэстыр, со лава ангил здыбэ маро государствоскэ — адахтыр выдзяла, со коли мэ на сом дылыно, то мэ банго маро тэ зарикирав, тэ здав государствоскэ тыкныдыр, тэ ачявэс лэс ваш колхозно тарго бутыр и адыкэ тэ домаравпэ одова собы тэ лэс бутыр марэстыр».

Само просто и естественно логика!

Нэ бида адай сы дрэ одова, со амарэ гавитка бутярья, бут лэндыр на полэна адава просто и естественно вешшь. Собы тэ на срискирэс советсконэ властякиро задэ-ибэ комунисты бангэ сыс ангил адая нэви обстановка пэр-вонэ жэ укэдыбнытконэ дывэсэндыр, инке дрэ июлэ дрэ 1932 б., — бангэ сыс тэ узорьякирэн и тэ подтрадэн скэдыбэ маро. Адава сыс трэби пирдал нэви обстановка. А сыр ёнэ кэрдэ? Ёнэ лынэ тэ подтрадэн на марэскиро скэдыбэ, а создыбэ разна фондэ. Адава узорьякирдыя крестьянэнгиро зрикирибэ дрэ здыбэ маро государствоскэ. Ёнэ лынэ тэ дарэн на одолэстыр, со крестьянэнгиро зрикирибэ дрэ марэскиро скэдыбэ государствоскэ, нэ лынэ дарэн одова, со крестьяне на додуминэнапэ тэ поприкирэн маро ваш

вылыджайбэ лэс потом прэ тарго и со лэна и здэна саро пэскиро маро прэ элеваторо.

Ваврэс тэ пхэнэс, амарэ гавитка комунистэ или бут лэндыр полынэ колхозно тарго только лакирэ миштэ стронатыр, полынэ и прилынэ лакири мишты страна, нэ на полынэ и на прилынэ на миштэ страны дрэ колхозно тарго, — на полынэ одова, со на миштэ страны дрэ колхозно тарго анэла баро налачипэн государствоскэ, коли ёнэ, — комунистэ пэrvонэ жэ дывэсэндыр дрэ укэдыбэ маро на лэна тэ подтрадэн дрэ сари зор марэскири скэдыбнытко кампачия.

И адава надогиньбэн сыс домэкло на только колхознонэ бутяренца. Адава сыс домэкло адыкэ-жэ совхознонэ директорэнца, савэ преступнэс зарикирдэ одова маро, саво банго тэ авэл здыно государствоскэ и лынэ тэ бикнэн лэс прэ страна пиро бутыр учи тимин.

Угинэнаф-ли Совнаркомо и ЦК адая нэви обстановка, сави стхояпэ пирдал колхозно маруно тарго, дрэ пэскиро тхойбэ ваш розхуйбэ колхозно тарго? Аи, угинэнас. Дрэ адава тхойбэн прямэс ракирланэ, со колхозно маруно тарго можно тэ откэрэс отэнчя, коли авэла выкэрдо пхэрдэс маруноскэдыбнытко плано и коли лэна скэдынэ семяны. Одой прямэс пхэндло со только коли авэла закончиндло маруно скэдыбэ и зачидэ семяны, кэ лав тэ пхэнэс, кэ 15 январё 1933 бэрш — только отэнчя, коли лэла адава выкэрдо, можно авэла тэ откэрэс колхозно тарго марэса. Адалэ Совнаркомоскирэ и ЦК тхойбнаса амэ сыр-бы ракирдям амарэ гавитконэ бутяренгэ: на затховэнте пэскиро дыкхибэ заботаса ваш фонды и разна запасы, на отрисён главнонэ задэибнастыр, розкхувэн скэдыбэ маро пэrvонэ жэ укэдыбнытконэ дывэсэндыр и зорьякирэн адава. Пэrvо задыбэ — выкэрибэ мароскэдыбнытко плано, второ задыбэ — зачийбэ семяны и пало выкэрибэ адалэ условию можно тэ прилэспэ и пало розкхуйбэ колхозно тарго марэса.

Политбюро ЦК и Совнаркомоскири ошыбка сыс, можындя тэ авэл, дрэ одова, со ёнэ накая крэнтэ сыкадэ адалэ рэндоскири страна и накая зоралэс сыкадэ амарэ гавитконэ бутяренгэ ваш трашаибэна, савэ сы дрэ колхозно тарго. Нэ, со ёнэ ваш адалэ трашаибэна дынэ тэ джинэс и дынэ джины яснэс, — ваш адава на можынэла тэ авэл нисаво

напатяибэ. Трэби тэ пригалёс, со ЦК и Совнаркомо набут пиритиминякирдэ ленинско закалка и прозорливость-дыкхибэ ангил амарэ бутярендэ прэ штэты на только район-нонэндэ, нэ и бутэндэ областнонэндыр.

Может на трэби сыс тэ обявинэс колхозно тарго марэса? Можэт адава сыс ошыбка, дрэван-жэ, коли тэ джинэс одова со дрэ колхозно тарго сы на только миштэ, нэ и кой-савэ на миштэ страны?

На, адава на сыс ошыбкаса. Ни екх революцыонно меропрятіе нанэ гарантировано кой савэ на миштэ стронэндыр, коли ёв пролыджялапэ на адыкэ сыр трэби. Адава-жэ трэби тэ пхэнэс ваш колхозно тарго марэса. Колхозно тарго трэби и сы кофитко сыр ваш гав, адыкэ и ваш форо, сыр ваш бутяритко класо, адыкэ и ваш крестьянство. И адалэстыр, со ёв сы кофитко, лэс трэби сыс тэ влыджяс.

Состыр Совнаркомо и ЦК влыджия колхозно тарго марэса?

Ангил сарэстыр одолэстыр, собы тэ розбуглякирэс база пиро товарогыибэ машкир форо и гав и тэ фэдырякирэс снабжэніе дрэ форо гавитко-хулаибнытконэ продуктэнца, а дрэ гав-форитконэ изделиенца. Трэби тэ полэс, со екх лишь госуларственно и кооперативно тарго ваш адава набут. Адалэ товарогыибнаскирэ каналы трэби тэ допхэрдякирэс нэвэ каналоса-колхознонэ таргоса. И амэ лэн допхэрдякирдым — колхознонэ таргоса.

Ёнэ рикирдэпэ, дурыдыр, одолэскэ, собы колхознонэ таргоса марэса тэ дэс колхозникоскэ инке екх можыма ваш доходо и тэ узорьякирэс лэскиро экономическо положэніе.

Ёнэ рикирдэпэ инке одолэса собы влыджяибнаса колхозно тарго тэ дэс крестьяниноскэ нэво толчко ваш фэдырякирибэ колхозно буты сыр пиро сево, адыкэ и пиро укэдыбэ.

Тумэ джинэн, со сарэ адалэ Совнаркомоскирэ и ЦК соображэнии пхэрдэс сыс подрискирдэ фактэнца колхознонэ джибнастыр пало последніе времё. Колхозно узорьякирибэ, колхозэндыр пирьячлэ тэ выджян, лыя тэ барьёл екхкхэ-ритконэ крестьянэнгиро тырдыпэ дрэ колхозэ, колхозникэнгиро тырдыпэ тэ прилэс дрэ нэвэ члены барэ роскэдып-

наса, — саро адава и бут вавир сыкавэна одова, со колхозно тарго узорьякирдя колхозэнгиро положэниё.

Адыкэ наухтылыбэ дрэ амари буты дрэ гав сы на колхознонэ таргостыр, а одолэстыр, со на всегда чячюнэс пролджяна колхозно тарго, наджиныбнастыр тэ угинэс нэви обстановка, наджиныбнаса тэ пирикэрэс пэскирэ ряды сыр трэби ваш нэви обстановка, сави сы создны колхознонэ марунэ таргоса.

2) Вавир бангипэ, саво создыя наухтылыбэ дрэ амари буты дрэ гав сы дрэ одова, со амарэ товаришши прэ штэты,—и на только адалэ товаришши,—на опынэ адава, со парудэпэ условии дрэ амари буты дрэ гав. Парудэпэ условии пирдал адава, со колхозэ дрэ основна марунэ районэ залынэ райканэ положэниё. Амэ сарэ радынасапэ одолэскэ, со колхозно хулаибнаскири форма ачья райканэ формаса дрэ амарэ марунэ районэ. Нэ на сарэ полэна одова, со адава обстоятельство на тыкнякирла, а барьякирла амари забота и амаро бангипэ дрэ гавитконэ хулаибнаскиро розкхуибэ. Бут думинэна, со коли сыго догынэ, пхэнаса кэ 70 или 80% коллективизация дрэ одова или вавир районо, дрэ одоя или вавир область то адалэса ужэ саро дыно, и амэ можынаса тэ дас рэндоскэ естественно гыибэ, тэ мэкэс рэндо прэ самотёко думаса, со коллективизация кокори кэрла пэскиро рэндо, кокори газдэла гавитко хулаибэ. Нэ адава сы баро плэнтима, товаришши. Прэ чячипэ, приргыибэ кэ колектино форма, сыр кэ учи хулаибнаскири форма, на тыкнякирла, а барьякирла амарэ заботы ваш гавитко хулаибэ, на тыкнякирла, а барьякирла лыджяибнытко комунистэнгири роль дрэ газдыбэ гавитко хулаибэ. Самотёко акана бутыр сыр коли дрэ вавир времё сы дарано ваш гавитконэ хулаибнаскиро розкхуибэ. Самотёко акана можынэла тэ хаськирэл саро рэндо.

Коли дрэ гав залэлас баро штэто екхкхэритко хулай, то партия можындя тэ на буглякирэл пэскиро вгыибэ дрэ рэндо пиро розкхуибэ гавитко хулаибэ отдельнонэ помошшыса, советэнца и тэ дэс сыкаибэна. Отэнчя екхкхэритко хулай кокоро сыс банго тэ заботисол ваш пэскиро хулаибэ, лэскэ на сыс прэ конэстэ тэ пиритховэл бангипэ пал адава хулаибэ, саво сыс только лэскирэ хулаибнаса и на сыс прэ конэстэ адай тэ розгинэс, только прэ пэстэ. Отэнчя екхкхэ-

ритко хулай банго сыс кокоро тэ заботисол ваш сево, ваш укэдыбэ и ваш сарэ процэсэ дрэ гавитко хулаибнытко буты, коли ёв на камья тэ ачелпэ бимарэскиро и тэ ачес бокхалэса. Пиригыибнаса прэ коллективно хулаибэ рэндо парудяпэ. Колхозо нанэ екхкхэритко хулаибэ. Колхозники адякэ и ракирна акана: «колхозо миро и на миро, ёв миро, нэ кхэтанэ адалэса ёв сы Иваноскиро, Филипоскиро, Михайлоскиро и ваврэ колхознонэ членэнгино, колхозо кхэ-тано». Акана ёв, колхознико, атасятуно екхкхэритко хулай и ададывэсатуно коллективисто, — акана ёв можынэла тэ пиритховэл бангипэ и можынэла тэ розгинэл прэ ваврэ колхозэнгирэ членэндэ, джины, со колхозо на ачявэла лэс бимарэскиро. Пирдал адава заботы лэстэ, — колхозникоствэ, ачнэ тыкныдыр, сыр ангил индивидуальнэ хулаибэ. Забота и бангипэ пало хулаибэн растходэ акана машкир сарэ колхозникэндэ.

Со-жэ адалэстыр выджяла? А адалэстыр выджяла одсва, со саро бангипэ пало хулаибнаскиро лыджяибэн пиригыя акана отдельнонэ крестьянэндыр прэ колхозо, прэ колхозоскиро лыджяибнытко ядро. Акана крестьянэ вытховэнэ трэбима пиро забота ваш хулаибэ и годьваро лыджяибэ рэндо на кокорэ пэстыр, а колхознонэ лыджяибнарьендыр. А со адава сыкавэла? Адава сыкавэла, со партия на можынэла акана тэ обджялпэ отдельнонэ вгыибнаса дрэ процэсо пиро гавитко-хулаибнытко розхуибэ. Ёй банги акана тэ лэс дрэ пэскирэ васта лыджяибэ колхозэ, тэ прилэс прэ пэстэ бангипэ пало буты и тэ дэс помошнь колхозникэнгэ тэ лыджяс пэскиро хулаибэ ангил пиро наукакиро и тэхникакиро сыкаибэ.

Нэ адава нанэ саро. Колхозо сы баро хулаибэ. Нэ баро хулаибэ нашты тэ лыджяс бипланоскиро. Баро хулаибэ дрэ пхуврикирибэ обухтылла шэла, а вавир [моло и тысэнцэ грэды и можынэла тэ лыджялпэ планоса. Биадалэскиро ёв банго тэ хасёл и тэ розравэлпэ. Окэ тумэнгэ инке екх нэво условиё дрэ колхозно строё, саво дрэ корнё отличинэлапэ условиендыр дрэ лыджяибэн екхкхэритко тыкно хулаибэ. Можно-ли тэ домкэс собы лыджяибэ адасаво хулаибэ сыс дыно естественнонэ гыибнаскэ, самотекоскэ? Дыкхло сы со нашты. Собы тэ лыджяс адасаво хулаибэ, трэби тэ обезпечинэс колхозо минимумоса сыклэ манушэнца, савэ-бы мо-

жындлэ тэ лыджян пиро плано хулаибэн и тэ лыджяс лэс организованныс. Полюно сы со нашты собы советско власть на вгыя дрэ колхознонэ строительствоскиро рэндо, нашты собы ёй на дыя помошшь тэ гыздэс буты дрэ адасаво хулаибэ.

А со адалэстыр выджяла? А адалэстыр выджяла одова, со колхозно строё на тыкнякирла, а барьякирла забота и бангипэ партиякиро и правительствоскиро пиро розкхуибэ гавитко хулаибэ. Адалэстыр выджяла, со партия, коли ёй камэл тэ лыджял колхозно гыибэ, банги тэ заджял дрэ сарэ детали колхознонэ джиибнаскиро. Адалэстыр выджяла, со партия банги на тэ тыкнякирэл, а тэ кэрэл барыдыр пэскиро спхандыпэ колхозэнца, со ёй банги тэ джинэл саро со кэрланэ дрэ колхозэ, собы дрэ пэскиро времё тэ авэс помошшыся и тэ обрискирэс одолэ биды, савэ можынэна тэ авэн.

А со амэ дыкхаса прэ рэндо? Прэ рэндо амэ дыкхаса одова, со бут районна и областна организации отрискирдалынэ колхознонэ джиибнастыр и лэнгирэ пучибнастыр. Бэшлэ мануша дрэ канцэлярии и чинэна на дыкхи одова со колхозэнгиро розкхуибэн джяла мамуй бюрократическа канцэлярии. Кой-кай отрискирибэ колхозэндыр сыс адасаво, со кой-савэ краевонэ организацыенгирэ члены угалёнас ваш рэнды дрэ колхозэ пэстэ дрэ краё на районнонэ организацыендыр, а членэндыр ЦК дрэ Москва. Адава танго, нэ адава факто, товаришши. Пиригыибэ индивидуальнэ хулаибнастыр кэ колхозэ банго сыс тэ прилыджял кэ узорьякирибэ комунистэнгири лыджяибнытко буты дрэ гав. А прэ рэндо дрэ бут случаи адава пиригыибэ прилыджия кэ одова со комунистэ откхинёна прэ лавры, ракири ваш учё коллективизацыякиро процэнто и мэкклэ рэндо прэ самотёко. Проблема ваш планово лыджяибнытко буты дрэ колхозно хулаибэ банги сыс тэ прилыджял кэ узорьякирибэ лыджяибнытко буты комунистэнгири дрэ колхозэ. А прэ рэндо на екхвар выджялас, со бывша парнэ офицэрэ, бывша петлюровцэ и вороги бутяренгирэ и крестьянэнгирэ сыс дрэ колхозэнгиро шэро.

Адыкэ сы рэндо одолэса, со создэла вавир наухтылыбэна дрэ амари буты дрэ гав.

3) Трито наухтылыбэ дрэ амари буты дрэ гав сы дрэ одова, со бут амарэ товаришши пиритиминикэрдэ колхозэ, сыр нэви хулаибнаскири форма, пиритиминикэрдэ и пирикэрдэ лэн дрэ икона. Ёнэ прилынэ со коли сыго дынэ сы колхозэ, сыр социалистическо форма хулаибнаскири, то адалэса дыно сы саро, адалэса сы обеспечиндло чячюно лыджяибэн рэндо дрэ колхозэ, чячюно планированиё дрэ колхозно хулаибэ, пирикэрибэ колхозэ дрэ образцова социалистическа хулаибэна. Ёнэ на полынэ, со колхозэ пиро пэскиро организационно кэрибэ са инке бизорьякирэ и ваш лэнгэ трэби бари партиякири помошшь, сыр пиро снабжениё лэн пропатякирдэ большэвистсконэ кадрэнца, адякэ и пиро кажнодывэсытко лыджяибэн колхозна рэнды. Нэ адава нанэ саро и нанэ главно. Главно наухтылыбэ сы адай дрэ одова, со бут амарэ товаришши пиритиминякирдэ зор и можыма колхозэнгири, сыр нэвэ формакирэ пиро организация гавитко хулаибэ. Ёнэ на полынэ одова, со колхозо кокоро пир пэстэ, надыххи прэ одова, со ёв сы социалистическонэ хулаибнаскирэ формаса дур инке на обеспечиндло разнэ трашаибэндыр и прогыибнастыр дрэ колхозэ прэ хулаибнытка бутя разнэ контр-революционнэ элементэн, ёнэ нанэ гарантирована одолэстыр, со колхозэ кой дрэ савэ условию можынэна тэ авэн использындлэ анти-советсконэ элементэнца ваш пэскирэ цэли.

Колхозо сы социалистическо форма, дрэ хулаибнытко организация адякэ-жэ, сыр советы сы социалистическо форма дрэ политическо организация. Сыр колхозэ, адякэ и советы сы баро завоеваниё амарэ революциякиро, сы баро завоеваниё бутяритконэ класоскиро. Нэ колхозэ и советы сы лишь организациякири форма, чячэ, социалистическо, нэ са жэ форма организациякири. Саро сы одолэстыр, со авэла вчидо дрэ адая форма. Амэ джинас случая, коли бутяритконэ и хэладытконэ депутатэнгирэ советы подрикирнас прэ кой-саво периодо контр-революция дрэ революция. Адякэ сыс рэндо амэндэ, дрэ СССР, кэ лав тэ пхэнэс, дрэ июлэ 1917 бэрш, коли дрэ советы сыс меньшевики и эс-эры и советы раххэнас контр-революция прэ революция Адякэ сыс рэндо дрэ Германия дрэ концо 1918 б. коли дрэ советэнгирэ шэро сыс тэрдэ социал-демократэ и коли ёнэ раххнэ контр-революция.

Адыкэ выджяла, со рэндо на только дрэ советы, сыр дрэ организацыякири форма, надыкхи со кокори форма сы дрэ-ван учё революцыонно завоеванийё. Рэндо, ангил сарэстыр дрэ кокори советэнгири буты, рэндо дрэ бутякиро характеро дрэ совето, рэндо дрэ одова, кон сы дрэ советэнгиросцэро — революцыонеры или контр-революцыонеры. Пирдал адава и сы полыно одова факто, со контр-революцыонеры на всегда выпхэнэнапэ прэ советы. Джиндло сы, ваш сыкаибэ пхэны, со руссконэ контр-революцыякиро барыдыро Милуково, коли сыс Кронштадтско газдыбэ выпхэнэласлэ пало советы, нэ бикомунистэнгиросцэро. «Советы бикомунистэнгиросцэро» — окэ саво сыс отэнчя лозунго главнонэ руссконэ контр-революцыонероскиро Милуковонэскиро. Контр-революцыонеры полынэ, со рэндо на только дрэ екх советэ, нэ ангил сарэстыр дрэ одова, кон лэн лэла тэ лыджял.

Адава-жэ само трэби тэ пхэнэс и ваш колхозэ. Колхозэ, сыр соцыалистическо форма дрэ хулаибнаскири организацыя, можынэна тэ сыкавэн чюдо дрэ хулаибнытко строительство, коли дрэ лэнгиросцэро шэро тэрдэ чячюнэ революцыонэрэ, большэвики, комунистэ. И ваврэс — колхозэ можынэна тэ пирикэрэнпэ прэ кой-саво периодо дрэ штэто кой угарадэна всяка контр-революцыонна рэнды, коли дрэ колхозэ авэна эс-эры и меншэвики, петлюровска офицэрэ и ваврэ парнэгвардейцэ, бывша деникинцэ и колчяковцэ. Адай трэби тэ джынэс, со колхозэ сыр организацыякири форма на только на обезпечиндлы прогыибнастыр дрэ латэ антисоветска элементэ, нэ даже дрэ пэрво моло сы кой-саво локхипэ ваш временно залыибэ лэн контр-революцыонэрэнца. Коли крестьянэ лыджинэ индивидуальна хулаибэ — ёнэ сыс розкхэтаниякирдэ екх екхэстыр, адалэстыр контр-революцыонна камаибэна антисоветсконэ элементэнгирэ дрэ крестьянство на можындлэ тэ дэн баро ефекто. Вавир патрин сы, коли крестьянэ пириджяна кэ колхозно хулаибэ. Адай крестьянэндэ сы готово массово организацыякири форма — колхозэ. Пирдал адава, антисоветска элементэ вгыибнаса дрэ колхозэ можынэна тэ домарэнпэ дрэ пэскири антисоветско буты бутыр ефекто. Трэби тэ думинэс, со саро адава угинэна антисоветска элементэ. Сы джиндло, со екх контр-революцыонэрэнгири чясть, кэ лав тэ пхэнэс, прэ Северно Кавказо, кокори зорьякирлапэ тэ создэл

со-то сыр колхозэ ваш пэскирэ подпольца организаци. Сы джиндло адякэ-жэ, со антисоветска элементы дрэ бут районэ, кай ёнэ инке на розкэрдэ и на розмардэ, — камаиб-наса джяна дрэ колхозэ, даже шарна колхозэ ваш адава, собы тэ создэс андрал дрэ колхозэ гнёзда ваш контр-революцыонно буты. Сы джиндло со екх антисоветсконэ элементэнгири чясть кокори выпхэнэлапэ акана пало колхозэ, нэ одолэса, собы дрэ колхозэ на сыс комунистэн. «Колхозэ би комунистэнгиро», — окэ саво лозунго рикирлапэ акана дрэ антисоветска элементэ. Адякэ выджяла, со рэндо на только дрэ кокорэ колхозэ, сыр дрэ социалистическо организациакири форма, нэ ангил сарэстыр дрэ одова со вчивэлапэ дрэ адая форма, — рэндо ангил сарэстыр дрэ одова, к о н тэрдо дрэ колхозэнгиро шэро и к о н лыджяла лэн.

Пиро ленинизмо колхозэ, сыр и совхозэ, савэ лынэ сыр организациакири форма, сы оружие, и только оружыё. Адава оружыё можно тэ утховэс ангил кой-савэ услови и прэ революцыя. Лэс можно тэ утховэс и прэ контр-революцыя. Ёв можынэла тэ бутякирэл ваш бутяритконэ класоскэ и крестьянствоскэ. Ёв можынэла тэ бутякирэл ангил кой-савэ услови бутяритконэ класоскирэ и крестьянствоскирэ ворогоскэ. Саро рэндо сы дрэ одова, дрэ конэскирэ васта сы адава оружыё и прэ конэстэ ёв авэла утходо.

Адава лынэ тэ полэн бутяренгирэ и крестьянэнгирэ во-роги савэн лыджяла класово инстинкто.

Адава инке на полэна, кэ тангипэ, кой-савэ амарэ комунистэ.

И окэ одолэстыр, со кой-савэ амарэ комунистэ на полынэ адава, окэ одолэстыр амэндэ сы акана адасави патрин, — со дрэ кой-савэ колхозэ прэ хулаибнытка штэты сы анти-советска элементэ, — ёнэ создэна одой вредительство и саботажо.

4) Штарто со создэла наухтылыбэ дрэ амари буты дрэ гав сы дрэ одова со бут амарэ товариши прэ штэты на джинэн тэ пирикэрэн марибнаскиро фронто кулачествоса; дрэ одова со напóлэна, со класовонэ ворогоскиро муй пирипарудяпэ пало последнё времё, пирипарудяпэ класовонэ ворогоскири тактика дрэ гав и со дыкхи прэ адава, трэ-би тэ парувэс пэскири тактика, собы тэ домарэспэ кэ успэ-хо. Ворого полыя паруды обстановка, полыя зор нэвэ строё-

скири дрэ гав, а коли полыя, то пирикэрдяпэ, пирипарудя пэскири тактика, — пиригыя прямонэ атакатыр прэ колхозэ кэ буты чёраханэс. А амэ адава на полыям, на роздыкхьям нэви обстанока и родаса класовонэ ворогос одой, кай лэс нанэ, са лыджяса пхураны тактика, — упрошшённа марибэ кулачествоса, отэнчя сыр ёй, адая тактика гара пхурия.

Родэна класовонэ ворогос на дрэ колхозэ, родэна лэс дрэ манушэндэ зверинонэ муеса, барэ дандэнца, грубонэ мэняса. Родэна кулакос, савэс амэ джинас плакатэндыр. Нэ адасавэн кулакэн гара ужэ нанэ. Акакунэ кулаки и подкулачники, акакунэ антисоветска элеменгы дрэ гав — адава бутыр сарэстыр мануша «тиха», гудлэ», гин-со «свэнта». Лэн на треби тэ родэс дур колхозостыр, ёнэ бэшлэ дрэ колхозо и залэна одой кладовшшикэнгирэ, завхозэнгирэ, счетоводэнгирэ, секретарэнгирэ и заврэ штэты. Ёнэ школи на пхэнэна — «аври колхозэ». Ёнэ «пало» колхозэ. Нэ ёнэ лыджяна дрэ колхозэ адасави саботажническо и вредительско буты, со колхозэнгэ лэндыр на по здоровисола. Ёнэ ни-коли на пхэнэна — «на треби скэдыбэ маро». Ёнэ «пало» маруно скэдыбэ. Ёнэ только мэкэнапэ дрэ дэмагогия и мангэна, собы колхозо создыя фондо ваш животноводство, дрэ трин молы буглыдыр, сыр адава трэби ваш рэндо, собы колхозо кэрдя страхово фондо, дрэ трин молы буглыдыр одолэстыр, со трэби ваш рэндо, собы колхозо вы-дыя прэ обшшественно чяраибэ 6 жыко 10 фунты маро дрэ дывэс прэ бутяристэ и ад дур. Полыно сы со адасавэ фондэндыр и выдыибнастыр прэ обшшественно чяраибэ, со адасавэ дэмагогиятыр хулаибнытко колхозоскири зор банги тэ авэл подрискирды и ваш маруноскэдыбэ на ачелапэ штэто.

Собы тэ роздыкхэс адасавэс фрэнтонэ ворогос и тэ на поддэспэ дэмагогиякэ, трэби собы. сыс революцыонно стрэ-га, трэби собы сыс зор тэ срискирэс харкуно муй ворогос-стыр и тэ сыкавэс колхозникэнгэ лэскиро чячюно контр-революцыонно муй. Нэ бут-ли амэндэ сы дрэ гав коммуни-стэн, савэндэ сы адасавэ савипэна? Комунистэ чястэс на только со на откэрна адасавэн класовонэ ворогэн, а и кокорэ поддэнапэ лэнгирэ жульническонэ дэмагогиякэ и джяна пал лэндэ дрэ пори.

На роздыкхи класовонэ ворогос дрэ лэскиро нэво харкуно муй и на джины тэ роскэрэс лэскирэ мошэнническа махинацыи, кой-савэ амарэ товаришши, досыкавэна пэске со кулакэн, хай, ужэ нанэ прэ свэто, со антисоветска элементэ дрэ гав хасыкирдэ пирдал политика ликвидацыя кулачество сыр класо и со можно тэ помирисос «нейтраль-нонэ» колхозэнца, савэ нанэ большэвистска, нэ нанэ и ан-тисоветска, нэ савэ кокорэ пир пэстэ — стихийнэс бангэ авэна тэ пириджян прэ советско властякири страна. Нэ ада-ва бари ошыбка, товаришши. Кулаки розмардэ, нэ ёнэ дур-инке на домардэ. Бутыр одолэстыр ёнэ на сыг инке лэна домардэ, коли комунистэ промэкэна и забистрэнапэ думаса, со кулаки кокорэ сджяна дрэ могила сыр-бы пирдал сти-хийно розкхуибэ. Ваш «нейтральна» колхозэ трэби тэ пхэ-нэс, со лэн нанэ и на можынэла тэ авэл. «Нейтральна» кол-хозэ — адава манушэнгири фантазия, савэнгэ сы дынэ якха ваш одова, собы ничи тэ на дыкхэс. Ангил адасаво остро класово марибэ, саво сы акана амэндэ дрэ советско страна, ваш «нейтральна» колхозэ на ачелапэ штэто, ангил адасави обстановка колхозэ можынэна тэ авэн или большэвистско-нэнца или антисоветсконэнца. И коли амэ на яваса дрэ одо-лэ или вавир колхозэ, то адава сыкавэла со дрэ шэро тэрдэ лэндэ антисоветска элементэ. Дрэ адава на можынэла тэ авэл нисаво напатяибэ.

5) Прэ концо инке ваш екх, со создэла наухтымыбэ дрэ амари буты дрэ гав. Сы адава пирдал тыкно тиминякирибэ роль и бангипэ комунистэнгири дрэ колхозно строитель-ство, дрэ тыкно тиминякирибэ роль и бангипэ комунистэн-гири дрэ рэндо скэдыбэ маро. Ракири ваш пхарипэна дрэ скэдыбэн маро, комунистэ зравэна бангипэ прэ крестья-нэндэ, ракири, со дрэ саро бангэ сы крестьянэ. Нэ нанэ чячё. Крестьянэ одой нанэ ни дрэ со. Коли одой ракирлапэ ваш бангипэ и ваш одова коң сы банго, то бангипэ пэрла пхэр-дэс прэ комунистэндэ, а бангэ одой дрэ саро — только амэ, комунистэ.

Дрэ свэто нанэ и на сыс адасави зоралы и авторитетно власть, сыр амари, советско власть. Дрэ свэто нанэ и на сыс адасави зоралы и авторитетно партия, сыр амари, коммуни-стическо партия. Никон на помешынэла амэнгэ тэ лыджал колхозэнгиро рэндо адыкэ, сыр адава трэби дрэ колхозэн-

гиро интэресо, дрэ государствоскиро интэресо. И коли амэн-гэ на всегда удэлапэ тэ лыджяс колхозэнгиро рэндо адякэ, сыр адава трэбинэла ленинизмо, коли амэ домэкаса чястэс груба ошыбки, савэ нашты тэ простинэс, пхэнаса, ваш скэдыбэ маро, то бангэ дрэ адава амэ, и только амэ.

А м э бангэ дрэ одова, со на роздыкхьям на миштэ строны дрэ колхозно тарго марэса и домэкьям груба ошыбки. А м э бангэ дрэ одова, со бут амарэ организацыи отрискирдалынэ колхозэндыр, откхинёна прэ лавры и отдынэпэ самотёкоскэ. А м э бангэ дрэ одова, со бут амарэ товаришшендыр са инке пиритиминякирна колхозэ, сыр форма массовонэ организацыякири, на полэна одова, со рэндо на адакицы дрэ само форма, сыр дрэ одова, собы тэ тэрдэс корэнгэ дрэ колхозэнгиро шэро и тэ вымарэс одотхыр антисоветска элементэ. А м э бангэ дрэ одова, со на роздыкхьям нэви обстановка и на полыям нэви класовонэ ворогоскири тактика. Пучелапэ кэ со адай крестьянэ?

Пирдал надогиминякирибэ роль и бангипэ комунистэнгири сы одолэстыр, со чястэс одова, пирдал со сы наухтылыбэ дрэ амари буты дрэ гав, родэна на одой, кай трэби тэ родэс и наухтылыбэ ачелапэ на укэдынэса.

На дрэ крестьянэндэ трэби тэ родэс сосыр сы пхари-пэна дрэ скэдыбэ маро, а дрэ амэндэ кокорэндэ, дрэ амарэ ряды. А м э тэрдэ сам дрэ власть, амэндэ сы государствоскирэ средства, амэ сам прикхардэ тэ авас дрэ колхозэнгиро шэро и амэ бангэ тэ лыджяс саро бангипэ палэ буты дрэ гав. Можно тэ подуминэс, со мэ чиндём дрэван калы

Можно тэ подуминэс, со мэ чиндём дрэван калы патрин, со амэндэ, хай, сари буты дрэ гав сы екхэ наухтылыбэндыр. Нэ адава нанэ чячэ. Прэ рэндо дрэ амари буты дрэ гав сы кхэтанэ адалэ наухтылыбэнца бут и барэ лаче догыибэна. Нэ мэ ужэ ангил пхэндём, со дрэ миро задэибэ на вджяла ракирибэ ваш догыибэна, мэ лыёмпэ тэ ракирав только ваш наухтылыбэна дрэ амари буты дрэ гав.

Можно-ли тэ исправинэс адалэ наухтылыбэна? Аи, можно. Исправинаса-ли амэ лэн дрэ пашылатуно времё? Аи, исправинаса. Ваш адава на можынэла тэ авэл напатяибэ.

Мэ думинава со политотделы МТС и совхозэнгирэ сы екхэ одолэ средствоса, савэса можно тэ хаськирэс одолэ наухтылыбэна дрэ само сыго сроко. (Барэ аплодисменты).

Ромалэ!

Романы секция дрэ Партиздато мангэла тумэн, коли тумэ лэна тэ гинэн адая лылвари тэ отметинэс сарэ наухтылыбэна и одолэ штэты дрэ лылвари, савэ сы пхарэ ваш полэйбэ. Адыкэ-жэ кай сыс можно тэ запарувэс гаджканэ лава романэнца. Ваш саро адава чинэнте амэнгэ лыла пиро адрэсо:

Москва, Кузнецкий Мост, 7, Нацсектор
Партиздата, Редактору цыганской секции
И. П. Токмакову.

Романы секция



Тираж 10 тысяч
Цена 10 коп.

6255

Цыг.
2-39

На цыганском языке


И. СТАЛИН


О РАБОТЕ В ДЕРЕВНЕ

Речь на объединенном пленуме
ЦК и ЦКК ВКП(б), 11 янв. 1933 г.

Перевод Н. Паикова

Издательство ЦК ВКП(б) ПАРТИЗДАТ
Москва, Кузнецкий мост, 7





	Цыг
1	2-39